



Na osnovu člana 9. Zakona o kantonalnim ministarstvima i drugim tijelima kantonalne uprave (Službene novine Srednjobosanskog kantona, broj: 8/03 i 14/03), i Odluke Vlade Srednjobosanskog kantona o usvajanju Godišnjeg programa razvoja male privrede Srednjobosanskog kantona broj: 01-11.7-1269/2023 od 23.02.2023. godine, Odluke Vlade Srednjobosanskog kantona o izmjeni Odluke o usvajanju Godišnjeg programa razvoja male privrede Srednjobosanskog kantona broj: 01-11.7-5513/2023 od 13.07.2023.godine, Ministarstvo privrede objavljuje

JAVNI POZIV

za odabir privrednih subjekata - korisnika sredstava za sufinansiranje projekata geoloških istraživačkih radova u domenu mineralnih sirovina iz sredstava ostvarenih od naknade za koncesije iz nadležnosti Ministarstva privrede u 2023. godini

I. PREDMET JAVNOG POZIVA

Objavljuje se javni poziv za odabir privrednih subjekata - korisnika sredstava ostvarenih od naknade za koncesije za sufinansiranje projekata geoloških istraživačkih radova u domenu mineralnih sirovina te ostalih poslova i zadataka kojima se osigurava kontinuitet istraživanja i unapređenje mineralne sirovinke osnove na području Srednjobosanskog kantona.

Sredstva za ove namjene predviđena su Budžetom Srednjobosanskog kantona za 2023. godinu na poziciji „Subvencije privatnim preduzećima i poduzetnicima - sufinansiranje geoloških radova na istraživanju mineralnih sirovina“ Budžeta Srednjobosanskog kantona za 2023.godinu.

II. NAMJENA

U oblasti geoloških istraživačkih radova u domenu mineralnih sirovina te ostalih poslova i zadataka kojima se osigurava kontinuitet istraživanja i unapređenje mineralne sirovinke osnove na području Srednjobosanskog kantona sufinansiraju se projekti:

- a. istraživanje mineralnih sirovina na području Srednjobosanskog kantona;
- b. izrada programa i projekata istraživačkih radova;
- c. izrade elaborata o geološkim rezervama mineralnih sirovina.

III. PRAVO UČEŠĆA

Pravo na podnošenje prijave na javni poziv imaju privredni subjekti:

- a. koji s Ministarstvom privrede imaju potpisan ugovor o koncesiji za istraživanje i/ili eksploataciju mineralnih sirovina.
- b. koji će projekat realizovati na području Srednjobosanskog kantona;
- c. koji su izmirili poreze i doprinose;
- d. koji su izmirili obaveze po osnovu naknade za koncesiju.

IV. SADRŽAJ PRIJAVE ZA UČESTVOVANJE NA JAVNOM KONKURSU

Prijava mora biti urađena sadržajno po elementima zahtijevanim u potrebnoj dokumentaciji.

Prijavu razmatra Komisija za razmatranje primljenih projekata, vrednuje zaprimljene projekte i sačinjava prijedlog odluke o raspodjeli sredstava, ako su dostavljeni:

1. Zahtjev za uključivanje u projekt

Pod pojmom Zahtjev za uključivanje u projekt podrazumijeva se uredno popunjen Obrazac „Zahtjev za uključivanje u projekt za odabir privrednih subjekata-korisnika sredstava u oblasti Geoloških istraživačkih radova u domeni mineralnih sirovina br. 1/23“.

Ukoliko Zahtjev za uključivanje u projekt nije ovjeren i potpisan od odgovorne osobe, odbiti će se i neće biti predmet daljeg razmatranja Komisije.

2. Obavezni prilozi

Pod ostalim priložima podrazumijevaju se oni prilozi koji se traže od podnosioca prijave, kojima podnosilac prijave dokazuje da li je kompetentan, pouzdan i da li redovno ispunjava svoje zakonske obaveze.

Popis zahtijevane dokumentacije naveden je u Obrazcu Zahtjeva za uključivanje u projekat za odabir privrednih subjekata – korisnika sredstava u oblasti geoloških istraživačkih radova u domeni mineralnih sirovina br. 1/23 .

Prijave koje ne sadrže zahtijevanu dokumentaciju, bit će odbijene i neće biti predmet daljeg razmatranja Komisije.

Sva priložena dokumenta moraju biti izdana od strane nadležnih sudskih ili upravnih organa. Priložena dokumenta ne smiju biti stariji od 3 (tri) mjeseca od dana objavljivanja ovog javnog poziva izuzev uvjerenja o poreznoj registraciji i uvjerenja o registraciji PDV-a i kopije lične karte. Sve priložene kopije dokumenata moraju biti ovjerene od strane nadležnih upravnih organa ili notara.

V. KRITERIJI ZA OCJENU PRIJAVE I IZBOR KORISNIKA

U oblasti geoloških istraživačkih radova u domeni mineralnih sirovina te ostalih poslova i zadataka kojima se osigurava kontinuitet istraživanja i unapređenje mineralne sirovinske osnove na području Srednjobosanskog kantona vrednovati će se:

- | | |
|-------------------------------|------|
| a. kvalitet projekta | 30% |
| b. vrijednost projekta | 20% |
| c. stepen samofinansiranja | 10% |
| d. nova geološka istraživanja | 20% |
| e. stepen zaštite okoliša | 10% |
| f. povećanje zaposlenost | 10%. |

Na prijedlog Komisije Odluku o raspodjeli sredstava donosi Vlada Srednjobosanskog korisnika i ista će biti objavljena u Službenim novinama SBK.

Broj prihvaćenih projekata – programa, te visina sredstava koja će se dati na raspolaganje korisniku, ovisit će isključivo od broja zahtjeva i visine planirani sredstava.

VI. PREUZIMANJE POTREBNE DOKUMENTACIJE

Potrebna dokumentacija za učešće na Javnom pozivu tj. Obrazac ZAHTJEVA za uključivanje u projekt u oblasti Geoloških istraživačkih radova u domeni mineralnih sirovina te ostalih poslova i zadataka kojima se osigurava kontinuitet istraživanja i unapređenje mineralne sirovinske osnove na području Srednjobosanskog kantona može se se preuzeti elektronskim putem sa web stranice Vlade SBK www.sbk-ksb.gov.ba

VII. PODNOŠENJE PRIJAVE

Prijave sa odgovarajućom dokumentacijom, šalju se lično ili preporučeno poštom u zapečaćenim kovertama na adresu:

Ministarstvo privrede Stanična 43, 72270 Travnik sa naznakom : „NE OTVARATI – po javnom pozivu za odabir privrednih subjekata - korisnika sredstava za sufinansiranje projekata geoloških istraživačkih radova u domenu mineralnih sirovina iz sredstava ostvarenih od naknade za koncesije“.

Rok za dostavu prijave je 20 (dvadeset dana) od dana objave javnog poziva.

Prijave poslate nakon isteka roka neće biti razmatrane.

VIII. TROŠKOVI PROJEKTA – PROGRAMA

U postupku javnog poziva Ministarstvo privrede ne snosi nikakve troškove učesnicima javnog poziva, te zadržava pravo da prijavu prihvati u cijelosti, djelomično ili je u potpunosti odbije, poništi javni poziv ili odbaci sve prijave u bilo koje vrijeme prije sklapanja ugovora.

Ministarstvo privrede neće snositi nikakvu odgovornost prema učesnicima javnog poziva, niti je obavezno objasniti razloge takve odluke. Prispjela dokumentacija neće se vraćati.

IX. OSTALE ODREDBE

Sa kandidatima čije se prijave prihvate, Ministarstvo privrede će potpisati Ugovor o implementaciji dodijeljenih sredstava, kojim će biti preciziran način i dinamika korištenja odobrenih sredstava, te nadzor nad trošenjem istih u namijenjene svrhe.

Sve dodatne informacije vezane za javni poziv mogu se dobiti svakim radnim danom putem telefona broj 030/ 511 – 217.

Broj: 05-14-6167/23

Travnik:10.08.2023. godine

MINISTAR
dr.sci.Sedžad Milanović